

Ord na Seirbhíse

Seachtain na hAontachta Chríostaí 2022

Dé hAoine 21 Eanáir 2022

IARRAIDH AR ADHRADH

An tAth Pádraig Ó Baill

In ainm an Athar, an Mhic, agus an Spioraid Naomh. **Áiméan.**

A dheartháireacha agus a dheirfiúracha, táimid in éineacht le creidmhigh eile ar fud an domhain inniu, agus táimid le chéile chun paidreoireacht a dhéanamh ar son na haontachta san Eaglais, agus táimid ar son go mbeadh an aontacht sin infheicthe. Is le acmhainní adhartha ó Chomhairle Eaglaisí an Mheánoirthir a dhéanaimid é sin. Is ó chuairt na Saoithe ar an Rí nuashaolaithe a fhaighimid ár dtéama, cuairt a bhfuil cur síos uirthi sa Soiscéal de réir Naomh Matha: “Chonaiceamar a réalta anoir, agus tháingamar ag déanamh ómóis dó.” Dírímis ár súile ar an réalta sin a chonacthas san Oirthear agus fágfaimid fúithi treoir a thabhairt dúinn chomh maith.

Tagaimis isteach i láithreacht Dé i rannpháirtíocht le gach duine atá breoite, le gach duine a fhulaingíonn, le gach duine atá ar an imeall, le gach duine a díbríodh, agus déanaimis an méid sin sa tuiscint gur féidir an dorchadas a dhíbirt ach lóchrann Dé a bheith againn. Guímid inniu le haontacht na heaglaise, agus go rabhamar go léir le chéile le bualadh leis an Slánaitheoir Íosa, lóchrann an tsaoil.

Moladh go deo leis an Athair Uilechumhachtach, d’fhoilsigh tú tú féin tríd an gcruthú agus d’iarr tú ar chách tionól lena chéile i do láithreacht. Chonaiceamar réalta Íosa inár saol féin agus tháingamar ag déanamh ómóis dó faoi a rinne na Saoithe féin. Tugaimid sinn féin dó inniu agus iarraimid láithreacht an Spioraid Naomh inár measc.

Iomann: Céad Míle Fáilte Romhat:

Baill ó Chór Shéipéal Choláiste na Tríonóide

PAIDIR AN MHOLTA

An Canónach David Oxley

Móramid tú, a Thiarna, a chruthaitheoir na neimhe agus na talún, is tú a shocraigh na soilse i mblaosc an aeir. Is tú a scar an dubh ón mbán, is tú a réitigh comharthaí chun aitheantas a thabhairt do thréimhsí agus do

laethanta agus do bhlianta atá naofa. Chuir tú réaltaí san fhirimint. Is mór iad d'oibreacha, tugtar glóire ar neamh duit, agus fógraítear sna spéartha saothar do lámh!

Móramid tú, a Thiarna.

Molaimid tú mar nár thréigh tú sinn d'ainneoin ár réabhlóide ach chuir tú do mhac lenár ndorchadas a ghealú, le go mbeadh sé mar ár lóchrann agus ár slánú. Bhí beatha sa té sin, agus ba é a bheatha siúd lóchrann na daonnachta uile. Agus is lonrach an lóchrann sin ainneoin dorchadais.

Molaimid tú, a Thiarna.

Molaimid tú, a Thiarna, is tú a thug tionlacan dúinn tú le linn mhearbhall na beatha agus trí chumhacht an Spioraid Naomh. Is tú a chuireann solas inár mbóthar agus is tú a thugann gaois agus creideamh ar domhan na hainfhírinne agus an amhrais.

Adhramid tú, a Thiarna.

Gabhaimid buíochas leat, a Thiarna, is tú a sheol sinn ar domhan le fianacht a thabhairt do do lóchrann, agus é sin d'ainneoin eadrainn éagsúlacht na n-eaglaisí agus ilghnéitheacht sa chultúr. Fógraímid an Dea-Scéal d'Íosa, an fíor-Rí, is dó a thugaimid sinn féin.

Táimid buíoch díot, a Thiarna.

PAIDIR NA FAOISTINE

Justin Ó Scanaill, Léitheoir

Go gcroma romhat gach pobal agus go ndéantar adhradh. Is minic a bhíomar féin i dtaobh dorchadais, ach uaitse fuaireamar an solas. Is dá réir sin a thagaimid romhat lenár bpeacaí a aithint agus lena linn sin dúinn, is ea a deirimid:

Adhmaímid go bhfuilimid imithe ó do shlite. Bhíomar santach agus rinneamar dochar don chruthú. Thruaillíomar an t-aer, an talamh, agus na huiscí, chuireamar ann nimh, agus scriosamar idir ghnáthóga agus speicis.

A Thiarna, déan trócaire

Bhíomar go leithleach i leith ár ndeartháireacha agus ár ndeirfíuracha. Chuireamar ár riachtanais agus ár mianta féin os cionn ár dtiomantais don cheart. Thógamar ballaí eadrainn agus chuireamar síolta an amhrais.

A Chríost, déan trócaire

Scaramar daoine ar bhonn eitneachta agus cultúir, rinneamar leithcheal ar an éagsúlacht seachas a cheiliúradh. D'fhonn Íosa a éileamh dúinn féin, chuireamar cogadh ar a chéile.

A Thiarna, déan trócaire

Maith dúinn na smaointe agus na gníomhartha seo, a Thiarna, tagaimid romhat agus aithreachas á dhéanamh againn.

A Dhia uilechumhachtach, a Athair ár dTiarna Íosa Críost, an té a sheol tú in iomláine an ama le gach pobal a shlánú, iarraidimid ort trócaire a dhéanamh orainn, ár bpeacaí a mhaitheamh dúinn, agus sinn a chlaohlú i riocht glórmhar an té sin agus leis sin lonróimid mar chuaille dóchais ar fud an domhain bhuartha.

Sliocht ó ÍSEÁIA Fáidh

An pobal a bhí ag siúl sa dorchadas,
chonaic siad solas mór;
agus ar mhuintir na tíre gruama
tá solas ag lonnú.
Chuir tú go mór lena n-áthas,
mheadaigh tú ar a lúcháir;
tá siad ag déanamh gairdis os do chomhair,
mar a dhéanann in aimsir an fhómhair,
amhail an gairdeas lena roinntear an chreach.
Óir an chuing a bhí anuas orthu,
an choirb ar a nguaillí,
agus slat an aintiarna,
déanann tú smionagar díobh mar a rinne tú lá briste Mhidián.
Óir gach coisbheart catha,
agus gach fallaing a tumadh san fhuil,
tá siad loiscthe,
tá siad dóite le tine.
Óir rugadh leanbh dúinn,
tugadh mac dúinn;
tá an tiarnas ar a ghualainn,
agus is é ainm atá air:
“Comhairleoir iontach”, “Dia láidir”,
“Athair síoraí”, “Prionsa na síochána”.
Níl teorainn lena thiarnas
ná críoch lena shíocháin
ar chathaoir ríoga Dháiví
agus ar a ríogacht,
ag cur bun agus taca leo,
sa cheart agus san fhíríantacht feasta go brách.
- Díograis dhílis an Tiarna a chuirfidh sin i gcrích.

Briathar Dé.

Sailm 8

Canónach David Oxley

A Thiarna, ár dTiarna, nach éachtach é d'ainm ar fud na cruinne!

Moltar do mhaorgacht os cionn na spéartha.

As béal naíonán agus leanaí cíche, bhunaigh tú daingean in aghaidh d'eascairde d'fhonn naimhde agus ceannaircigh a chloí.

Nuair a fheicim na spéartha, saothar do mhéar - an ré agus na réaltaí a rinne tú;

Cad is duine ann go dtógfá ceann de, ná mac an duine go ndéanfá cúram de?

Rinne tú beagán níos lú ná dia é gur chuir tú barr glóire agus gradaim air.

Thug tú ceannas ar oibreacha do lámh dó agus chuir tú gach aon ní faoina chosa.

Idir chaoirigh agus eallaí agus eile agus ainmhithe uile an mhachaire, éanlaith an aeir agus iasc na mara agus a ngluaiseann ar raonta na farraige.

A Thiarna, ár dTiarna, nach éachtach é d'ainm ar fud na cruinne!

An Dara Léacht

Caitriona Uí Chatháin, Léitheoir

Sliocht ó Litir Phóil chuig na hEifisigh

Ní raibh ionaibh tráth ach dorchadas, ach is solas anois sibh sa Tiarna. Iompraíí sibh féin, más ea, ar nós clann an tsolais - bíonn toradh an tsolais le feiceáil san uile shórt maitheasa agus fíréantachta agus fírinne. Aimsígí cad é an ní is áil leis an Tiarna agus ná bíodh aon pháirt agaibh i ngnóthaí seasca an dorchadais ach iad a cháineadh. Mar is náireach le lua féin na nithe a dhéanann siad faoi choim. Gach uile ní a nochtar faoin solas, áfach, éiríonn sé follasach agus gach ní a bhíonn follasach, bíonn sé ina sholas. Sin é an fáth a ndeirtear: “Dúisigh a chodlatáin! Éirigh ó na mairbh agus lonróidh Críost ort.”

Briathar Dé.

CEOL: Alleluia

An Soiscéal

An tAth Pádraig Ó Baoill

Sliocht ón Soiscéal de réir N. Matha

Nuair a bhí Íosa saolaithe i mBeithil Iúdáia in aimsir Héaróid rí, tháinig saoithe ón aird thoir go dtí Iarúsailéim ag fiafraí: “Cá bhfuil an leanbh seo atá saolaithe, Rí na nGiúdach? Mar chonaiceamar a réalta ag éirí, agus tháingamar ag déanamh ómóis dó.” Nuair a chuala Héaród rí an méid sin, bhí sé corraithe, agus Iarúsailéim go léir mar an gcéanna. Thionóil sé le chéile uachtaráin na sagart agus scríobhaithe an phobail, agus d'fhiafraigh díobh cén áit a raibh an Críost le saolú. D'inis siad dó: “I mBeithil Iúdáia: óir sin é atá sa scríbhinn ón bhfáidh: ‘Thusa, a Bheithil, i dtalamh Iúdá, níl tú baol ar an té is lú i measc prionsaí Iúdá, óir is asat a thiocfaidh ceann urra a bheidh ina aoire ar mo phobalsa, Iosrael.’ ”

Ansin chuir Héaród fios ar na saoithe os íseal agus fuair tuairisc uathu ar an am a bhfacthas an réalta. Chuir sé go Beithil iad ansin agus dúirt: “Imígí agus cuirígí fiafraí ghéar ar an leanbh. Nuair a bhíonn sé faighte agaibh, cuirígí scéala chugam chun go rachainn féin ann ag déanamh ómóis dó.” Nuair a chuala siad caint an rí, d'imigh siad leo. Agus an réalta, a bhí feicthe acu roimhe sin ag éirí, ghluais sí rompu go dtí gur stad sí os cionn na háite ina raibh an leanbh. Nuair a chonaic siad an réalta, bhí áthas an-mhór orthu. Agus ar dhul isteach sa teach dóibh, chonaic siad an leanbh le Muire a mháthair, agus d'umhlaigh siad go talamh ag déanamh ómóis dó. Agus d'oscail siad a geistí agus d'ofráil siad tabhartais dó, ór agus tuis agus

miorra. Agus ó fuair siad foilsíú i mbrionglóid gan dul ar ais go dtí Héaród, ghabh siad bóthar eile abhaile chun a dtíre féin.

Searmóin: Ag Fáiltiú Roimh Chách **an tUas Tom Healy, Léitheoir Tuata, Baile Átha Cliath**

IOMANN: Fáilte roimh Rí na nAingeal

Paidreacha Idirghuí

Seathrún Mac Éin Le creideamh agus le hiontaoibh, tagaimid ag guí os comhair Dé, arb é an tAthair, an Mac, agus an Spiorad Naomh:

Anoir a tháinig na Saoithe agus iad ag déanamh ómóis agus ag tabhairt bronntanas uathu óna gcultúir agus óna dtíortha féin. Guímid inniu le pobail Chríostaí ar fud an domhain a mbaineann éagsúlacht leo ó thaobh an adhráithe agus na dtraisiún de: a Thiarna, caomhnaigh na cistí seo, go háirithe in áiteanna ina bhfuil láithreach agus marthanas na hEaglaise faoi bhagairt ag an bhforéigean agus an daorsmacht.

A Thiarna, tabhair cluas d’ár n-urnaí.

Seathrún Mac Éin Cuid de luathbhlianta shaol an Tiarna ab ea na sléachtanna a rinneadh de réir ordú ón Tíoránach Héaród. Guímid leis na páistí a mhaireann in áiteanna ar fud an domhain ina bhfuil foréigean go fóill i réim.

A Thiarna, daingnigh ceangail na haontachta agus an ghrá atá idir ár n-eaglaisí, is iad na ceangail seo a chabhraíonn linn comhoibriú lena chéile agus le fianacht a dhéanamh do d’Ainm naofa. A Thiarna, spreag sinn lenár gcuid oibre a dhéanamh gan stopadh go deo de chosaint a thabhairt don dream atá thíos agus don dream atá imeallaithe. Spreag sinn le seasamh lena chéile i gcoinne na tíoránachta agus i gcoinne réimeas daorsmachta an fhad a lorgóimid do Ríocht inár measc.

A Thiarna, tabhair cluas d’ár n-urnaí

Seathrún Mac Éin Tar éis chuairt na Saoithe, chuaigh an teaghlach ríoga ar deoraíocht sna fásaigh agus rinneadh teifigh díobh i dtalamh na hÉigipte.

Guímid leis na teifigh go léir agus leis na daoine a díbríodh ar fud an domhain:

Cabhraigh linn, a Thiarna, fáilte a chur roimh na daoine a cuireadh óna mbailte, agus spiorad na fáilte a bheith againn rompu siúd atá ag lorg tearmainn slán.

A Thiarna, tabhair cluas d’ár n-urnaí

Síle Grae Dea-nuacht do chách a bhí i mbreith Íosa, thug sé le chéile daoine ó gach náisiún agus ó gach creideamh chun an páiste naomh a adhradh.

Guímid go gcabhróidh ár nguí le síocháin agus le plé a dhéanamh le creidimh eile:

A Thiarna, tabhair dúinn an umhlaíocht agus an fhoighne le meas a léiriú ar dhaoine eile le linn na siúlóide ar a dturas dóibh.

A Thiarna, tabhair cluas d'ár n-urnaí

Síle Grae D'fhill na Saoithe abhaile ar bhóthar eile.

Guímid lenár n-eaglaisí ar an domhan seo atá ag athrú:

A Thiarna, cabhraigh linn teacht ar shlite nua cruthaitheacha chun tú a leanúint agus chun fianacht a thabhairt duit ionas go gcreidfídh an domhan.

A Thiarna, tabhair cluas d'ár n-urnaí

Síle Grae Nuair a chonaic na Saoithe an páiste naomh, tháinig áthas agus lúcháir mhór orthu.

A Athair Neamhaí, socraigh ár súile air ionas nach gcaillimid ár slí. Aontaigh sa Tiarna Íosa sinn, is é an bealach, an fhírinne, agus an bheatha, agus is é a mhúin urnaí dúinn, é ag rá: *Ár nAthair..*

CEOL *Ár nAthair*

Aengus Gilligan

SEOLADH AGUS BEANNACHT

Canónach David Oxley

Téigí anois agus caithigí bhur saol in bhur bpáistí an tsolais.

Bíonn toradh an tsolais le feiceáil san uile shórt maitheasa agus fíréantachta agus fírinne.

Ná glacaimis aon pháirt i saothar neamhthorthúil an dorchadais.

Dúisítear ónár gcodladh sinn agus lonróidh Críost orainn.

Go raibh an pobal go léir faoi shíocháin, bígí go daingean in bhur ngrá don Athair Dia agus don Tiarna Íosa Críost. Grásta do chách a bhfuil grá síoraí acu dár dTiarna Íosa Críost.

Áimeán. Moladh le Dia.

CEOL *Treoraigh Mé, Treoraigh Mé, a Thiarna*